

## Yaiyim simiir bwamkibwam ima

*Yai nhirim Adi Komii siir Yai win kibiya saair  
yaimwoki yaimwo nhir ima.*

**Disaipel** Disaipelim yim kamim Jisis siir kigna mirii ima. Sima saika napyokiyoki miriigim. Mi siirama mi aingwo tibmiigim. Kamim iuur nwisko siir kigna miriirim. Mi simiir inigim ini Mak 3:13-19 hir nwowim.

**Aposel** Aposelim yim kamim Jisis saikar mirii ima. Mi dimin taeminim siya tirim simiir nhwoki kigimimikim mi sima simiirin iki iikamim hinda tinda nwowim simiir boinmimauugim. Mi iya Jisis siya naonama mi ha swoki insiin idwowin mi iikamim sima kamim siir kigna miriirim simiirin hinina yikiu aposel inkam. Ti aposel inigin yio Grik simiir yaigin aeya. Ti inigin siir inig mwoki mwowin yio hiniingin. Kamim Adi Komii siya nikropkiyim sima.

**Babilon** Babilonin yio nu Irak simiir bigi biyan om komigi komii ieya. Mi om komii Babilon hiran iikamimyim Isrel simiir iikamim sau omom nwokim mi sima sau simakar ninikim. Mi Babilon siir inig mwokimwowin yio hiniingi. Om biyie. Yokwo Komii saeya boina saair hiriinan, Tiki om komiirin yio bidi tioidwomaigiyin mi tariinanin siya nwo rani. Mi yokwowa Jon siya winkiya Revelesen hirin yio hinina win boinkikin Babilon siirin. Ya tariigina ya boiniyio yaiga. Mi siir inig mwoki

mwowin yio hinngin. Yio iikamim ti iirar nwoirkakim yipiki siyupai siyupaiyim sim nonkwowim simiir om komiigin.

**Devid** Devidin yio Jisis siir brougae ieya. Siya bidi bidiniyar nwokin mi Isrel simiir iikamim inigak inkam komii ieya. Mi siya inkamin bimbuiwi rani. Mi siya Adi Komii siiram naingwo tibmiigin. Mi siya Yokwo kasa bi winkin. Mi ta yokwowa saiir iniga Samka.

**Farisi** Farisi inkamim yim Judami piugana saiirgin. Yim ti kamim yim kamim kwoin whiruwa nwowiyim sima. Simiir kwoinim ti hinina naingwokim, ti siyu komiiyin Adi Komiigi si hauugiyin Mosesni yio ini sima nokwowin. Mi ti siyu komiiyin yio ti hinina boinkin. Krima ini siyu miyik whiekakim simiirar wakaeyokna apim mi krima Adi Komii siir iikam miyik asi nwowi. Sima naingwoyimiyokni siyuin siir wara bi nonkwokim, ningaka. Sima Jisis siiram bi naingwo tibmiigim mi sima hinina boin. Siya Adi Komii siir yinisim tani. Jisis siya simiirin hinina boin, simiir kwoinim pi whaowaekim mi sima Adi Komii siir yai aair bi sibgu wakaeyokim mi sima ha bi boinmaugim simiirin. Siyati hinina boinkikin.

**Galili** Galiliyin yio Isrel simiir nuin siir nu haimii whir ieya. Mi iya Jisis siya yinisim sapisapa niki owin mi siya hapaiirin siir yopii ado sowaka waiya nwokin. Sima omin Nasaret nikuwiyin siir hir nwokin. Kamim Jisis siir kigna mriiyim yim Galili hirankim. Mi nu Judia hiran iikamim sima

hina boinkim. Iikamim nu haimii Galili hiranim sima ninokninkin kwoin miyik karamaeka mi sima miyik rani. Sima ti hina boinkim.

**Sabat** Sabata ya iya Judami iikamim piu sima siiskuwakiya dimin taemin tir karamae nwowiya iya Adi Komii siir inig hainaniya ya saeya. Ta iya ya Fraide naiowaka nwobwakainanamtibika mipi sarere naiowaka digiribi. Mi inkam nwirin mi ta ii aiir mirii mi kamim siyu komiini yaimin dimin winiyim yim wi hina boini, siya miyar miriigin mi siyu komii siir siyu iir taugakim, Mi sima siyu biye bidi tirim, Jisis inkam nwirin Sabat aiir mi haiswoniskiigin. Mi kamim siyu komii ninokninkiniyim yim hina boinkim, siya dimin biye bidi tirin dimusi rani, sima hina naingwokim ma min haiswonimniskiiya ya ini mi miriinan ywowa. Min kig Jon 5:1-18 Luk 13:10-17

**Tempel** Tempela ya omaka Adi Komii siir inig hainaniya yasaeya. Mi biya iya Solomon siya Juda iikamim simiir kigriraowan inkam nwowin mi Juda iikamim sima omaka komiia Adi Komii siir inig hainaniya ta ii aiir miriigim. Mi iya Juda simiir sau omomin ha nitin mi ta omaka aiirin sima yinimnhikiigi. Mhoiia iya inkam komiinin nu kigriraowiyin Herot siyar niki owa mi siya Juda iikamim simiir boin sima yaeya omaka ir swoki miriirim. Mi sima ta omaka aiirin siiyani miriiga. Mi saeya biawi kasa bi nwoka. Mi iya Jisis siyar niki owa mi siya omaka

aiir namkin Adi Komii siir inig hainanamın. Mi mhoiıya iıya Rom hıran iikamım sima Isrel simaka niniıya mi ta omaka aiirın sima yinimnhıinkii iuguski. Mi Isrel hıran iikamım sima yaeya bi swoki miriigım. Adi Komii siir yaiya ta hinına boınka. İıya Jisis swoki itana saeya kingiin nwowi mi sima yaeya omaka komiıya wi haini mirii Adi Komii siir inig iir hainanam. Ta omaka aiirın tokpisina hinına dapika Tempel.

**Pris** Prisım yım kamım Adi Komii siir inig hainaniya omaka saiir mirii ima. Tiki kamım Pris mi miriigım. Sıma Adi Komii siir yai aiir boınmımauwıkim mi iriipi hiriinan sima Juda iikamım yipiki dimin biye tirim simiirsi nınkin imiıyaekim. Yım ti kamım sima nhwo kwis boıniyım mi Tempel aiir mi kigrıraowiyım.

**Hetpris** Hetprisın yio inkamın iki pris nhirım simiir kou nwowi ieya. Mi pris nhirım simiirın pi siyar nikropkii simiir yapayapa miıyamın. Mi ti inkamın siya ninoknınkin komiigkim mi Juda iikamım siyupai siyupaiyım pi siyar mi kigrıraowi. Mi Juda hıran iikamım sima elek-sena ina yonwowa mi sima hiriinan inkam kibi iirar swoki okmwın okwo haiginıu ta hiriinan miıya saiir biı nwowamın. Mi siya ta hiriinan miıya saiirarar miriyokiyokii mi wi siyar naobugi. Mi sima nwırın wi haini mi okmwın okwo haiginıuwi.

**Dimin whirki kimbu karamae nwowiya saeya.** Taka maeyauwa dimin whirki kimbu karamae nwowa ya ini omaka Adi

Komii siir inig hainaniya saiir mwowainibin digi uwa nwowin siir nwokin. Mi Adi Komii siya hir nwokin. Mi hiriir namiyin biigi biyan Prisin saisar namikin. Mi biewibiewiyim siya hiriirin ii kwokwira kwokwira namtaraowikin. Min kig Hibru sapta 9

**Profet** Profetim yim kamim Adi Komii siir yai aair nanaakninkii haiginuwi ima. Adi Komii siya simiirin nwonwira nwonwira nikuunakin mi siya simiirin ina yikropkiyin siir yai aair boinmimauuamam. Mi iya dimin taeminki nimbiyamam tiriyim mi kamim pi simar nanaakninkii haiginuwi simiir bwamki bwamin. Yim sima siyuum iikam ima tiriyin simiir boinhimnhinkigim. Mi iriipi hiriinan, diminin nimbiyamam tiriyin Adi Komii siya pi ti kam imiirar boinmauuwi. Mi sima pi iikam imiir swoki kwaboimamauuwi. Mi kam nhirim yipiki niksisaeyim yim hinina nikuwikim niksise profet. Mi kam imiirin yim Adi Komii siya bi nikunakin simiirin mi ha bi nikropkikin. Nngaka. Mi yim sima Adi Komii siir yai aairin sibgu sibgu bi boinmimauuwikim sima iikam imiirin hindara priiyiksasaekim.

**Adi Komii siir ipiyya siya nidwokaii aeya.**

Adi Komii siya ipii komiyya saiir nidowkaiigin mi dimin taeminim pi siyar kigirkaki. Ta ipiyya ipii bimbuiwi rani mi saiirin bidi puaimwamwankikina. Mi ta ipiyya ya golni nonkwowkwoka. Mi ta ipii aairin inkam

nwɪrkɪn bɪ swokɪ ɪdwowɪkɑ. Sɑiɪrɪn Adɪ Komii sɑisɑr ndwokɑi kɪgɪrkakikɪn nu nɪnɔmɔr sowiɪr.

**Grik** Grikmi iikamɪm sɪmiɪr ɔm komiiyɪn Atens. Mɪ sɪmiɪr nuɪn siɪr Griskɪn. Bɪdibɪdiniyarɪn sɪmiɪr iikamɪm kasakɑsɑ rani mɪ sɪmɑ ɪkɪ nu whɛkɑk nhɪrɪm sɪmiɪrɑr kɪgɪrkakɪm. Mɪ ɪkɪ nuɪm Grik sɪmɑ kɪgrɪrɑowɪm sɪmiɪr iikamɪm sɪmɑ ɪni sɪmiɪr siyɪu ɪmiɪrɑrɑ mɪ ɑpɪm, Grikmi iikamɪm yɪm Judɑ iikam tani mɪ nɪksɪsɑe adɪ komii kɑsɑ bɪ dirɪrɑerarkɪm mɪ sɪmɑ ɪni sɪmiɪr ɪnɪg ɪmiɪr hɑinɑnɪm. Mɪ mhɔiɪyɑ Rom sɪmɑ yɑɪɪ Grik sɪmɑkɑ yɪnɪi mɪ Grik sɪmiɪrɪn Rom sɪmɑ ɪyɔpɑkɑiɪu mɪ Grik sɪmiɪr ɔm komii komiiyɪm ɪni Rom sɪmɑ kɪgrɪrɑo ɪrkakɪm. Mɪ Rom sɪmɑ Grik sɪmiɪr siyɪuɪm kɑsɑkɑ bɪ wkɑeyoknɑ ɑpkɪm mɪ ɪni Grik sɪmiɪr yɑi ɑiɪrɑr mɪ ɪmbobɔɪnɪm. Kɑmɪm tɑ yɑiɪwɪn kɪbɪ ɑiɪr wɪnɪm sɪmɑ Grik sɪmiɪr yɑi ɑiɪr wɪnkɪm mɪ mhɔiɪyɑ kɑm nhɪrɪm tɑ Grik sɪmiɪr yɑi ɪmiɪr kɪgɪm mɪ sɪmɑ Adɪ Komii siɪr yɑiɪwɪn kɪbiyɑ yɑigɪɪn nhɪr hɪnɪɪnɪm sɪmiɪr wɪn. Latin, Inglis, German mɪ yɑigɪɪn whɛkɑk nhɪr ɪkɪm. Mɪ tariɪnɑn sɪmɑ ɪni hɪriɪnɑnɑ mɪriɪyokɪyokɪyɪm.

**Heven** Hevenɪn Adɪ Komii siɪr ɔmkɪn. Iikam nhɪrɪm sɪmɑ hɪnɪɪnɑ bɔɪnɪ Adɪ Komii siɪr ɔmɪn Hevenɪn ɪni nɪnɔmɔr kɔu hɪr nwowɪn. Tɪkɪ ɔmɪn bɪmbɪuwi rani wɑdɛkɪ wɑdɛkɪn, iikamɪm yɪpɪkɪ Jisɪs Krais siɪrɑm nɑngwɔ tɪbmiiyɪm wɪ sɪmɑsɪmɑr nɑmi, tɪ ɔm ɪiɪrɪn mɪ sɪmɑ ɪnɔkɪnɔkɪn wɪ hɪrɑr nwoyokɪyokɪkɑeyɑmi.

**Hibru** Hibru yɑ Isrel sɪmɑ bɔɪnɪ ɑeyɑ yɑigɪɪnɑ. Bɪiɪyɑn Yokwɔ Komiiyɑ sɪmɑ sɑiɪrɪn Hibru

simiir yaigɪn aiir wɪnkɪm.

**Hisop** Hisopɪn yɔ paeisɪm wɪrkɪn. Iya biyan Prisɪn siya mɪ nhɪr mɪriiyɪm mɪ siya pɪ tɪ pae iir haii mɪpi siir hppmaigi op o nhɛ imiir mɪpa niyaɪrpaasokami.

**Isib** Isibɪn yɔ nu komii whɪrkɪn ɪni Isrel sɪmaka kingiɪn hɪr nwowɪn. Iikamɪm yɪpɪki Isib hɪr nwowɪm sɪma Adi Komii siiram bi naingwo tɪbmiigɪm. Mɪ sɪma ɪki nɪksɪsaeɪ adi komii nhɪrɪm sɪma nonkwokwowɪm paeni mɪ nuni mɪ sɪma simiir ɪnig imiirar hainan. Biya Juda inkam nwɪrɪn Jekop nɪkiuwiyɪn siya mɪ siir wigyɪnɪma sɪma Isib hɪriir yam mɪ hɪr ɪni owɪu. Mɪ siir yɪnisɪmɪm sɪma nwowɪm hapair biwiyɪm kamarɪm kamnwɪr {400} mɪ Adi Komii siya boɪnki Moses siirɪn mɪ siya Isrel simiir iikam imiirɪn ɪrɪpa ha haɪngiriyɪu omɪmɪrɪm mɪ sɪma Isib siir haiburgik mɪ ɪni Isrel hɪriirar swokɪ amɪm. Mɪ Isib simiir kamɪm ɪi kasaka bi nɪniikɪm yayɪ Isrel simiir iikamɪm sɪmaka. Mɪ Isib simiir iikamɪm sɪma nɪksɪsaeɪ adi komiiyɪm simiir hainanii siyɪuɪn siirɪn ɪna haiburgikɪm mɪ sɪma Adi Komii kɪnɪn siirarar hainan ɪski. Mɪ sɪma siir ɪnigɪn Ala dap mɪ sɪma Adi Komii siiramar yaingwo tɪbmii sɪma Jisɪs Kraɪs siiram wara bi naingwo tɪbmiikɪm. Nɪngaka. Sɪma naingwo tɪbmiini siyɪuɪn siir bi nwokɪm.

**Mastet** Mastetɪn yɔ pae wɪrɪn siir ɪnigɪn. Mastet nidɪn yɔ komii rani sapkɪsapisɪmkɪn sɪma siir nid imiir haiigɪm mɪ nae mɪnaka nɪkrɪmkɪrɪn aeikɪm.

**Narin** Narin yɔ paeisɪm wɪrkɪn iikam sɪma

siir mi imiir nopaiikim mi siirin pa sikini, mipi dimin taeminim Adi Komii siir nankin imiiaeyim pi simiir niyopki mipi piuii miyikar whaki. Ti diminin siirin umir prasae bi sainikin.

**Salpa** Salpain yo dimin whirkin siyanankin. Iya iikamim sima siir nanagiyim mi siya huwa ha kinkiyim mi siir piuwuya miyik bi whakika.

**Samaria** Samaria yo iikamim nu Samarianim sima, siya ini nu Galili mi nu Judia sowiir bopwo hir nwowin simiir siyiuin yapakin mi Isrel simiir iikamim sima hiniina naingwo rani, sima miyikim. Ningaka. Sima ini sau omomnan ywowim.

**Saion** Saionin yo mhu inigin. Mi om komii Jerusalem siya ini ti mhu iir waiyin. Mi iya Jisis siya om heven siir haiburgigi nua tiriri swoki iti mi siya biyin wi mhu saion hiriirar niuuni.

**Stoik** Stoik kamim yipiki Juda simiir siyiu komii whir iir nonkwowim. Sima hiniina boinkim yipiki kimpipisusi nidid karamae nwowim mi yipiki maigimaigra nwowam kinankiugu karamae nwowim. Mi ti sima kamim yipiki stoik simiir siyiu komii whir iir sibgu onkworinuwiyim. Ti sima yaiyim sima boinim.

**Livai** Livai kamim yim Isrel simiir piugan kwir aeya. Juda simiir brougaeyin Jekop siir yinisim nwir ieya Livaiyin. Moses siya mi siir nomousimin Aron sowayaowin Livai inkamko. Mi biigi bi nwowin biyan pris inkamin Aron siyairgin. Mi mhoiia Livai simiir kam whiekakim ini Adi Komii siir



omaka miriiyan inkamkina ywowim. Mi ta mi aiirin piugan kwiran inkamki bi miriigim Livai simiir kamim sama sama miriigim.

**Mana** Mana dimin whirni inigin. Biya iya Moses siya Isrel simiir iikam imaka nwowin mi sama ina haiburgikim nu Isib hirin. Mi sama maeyau siyin apa nninga siir hir nwokim mi sama naemin kamaeaka. Mi Adi Komii siya simiirsi naingwoyimiyoikin mi siya iinokiinokin simiirin nae pa hauugi. Mi ti naeyim sama nugakarar hainakiyakwokikim mipa hainami simiir omaka hiriir mipa naei mi sama pi wadiyar nwowi. Min kig Eksodas 16:14-21 mi Nambas 11:7-9 Tikinim yim ini biyan Yokwo Komiiya saiir nwowim. Mhoiia iya Jisis siya nwowa, siya hiniina boinkin. Karargin ti naeyin ninomor kou hiranin. Mi iikamim ti naeyin siir naei mi sama wadiya nwowi mi iinokiinokin wi hiriayar nwoyokiyokikaeyami. Siya hiniina boinkin. Min kig Jon 6:46-51.

**Isrel** Isrelin Juda simiir nuin siir inigin. Iya simiir brougaeyin Jekop siyar niki owa, Adi Komii siya siir inigin Isrel siir asi nikiugin. Mi mhoiia sama maingimairga ha nwowim ti inig iirimim mi ina boinim, krima Isrelni yinisimkim Juda iikamim sama min boinkim, simiir nuin siir inigin Isrelkin.

**Juda** Juda yio Isrel simiir iikamim simiir inig whir ieya. Mi iikamim Isrel hiranim simiir brougae nwirin Juda siyargin. Siya Jekop siir yinisimkin. Juda Isrel simiir piugan kwir aeya. Mi Isrel simiir Inkam Komii Komiiyim

simiir kigriraowim Juda piugana saiir hirirankinairgim. Mi Juda simiir piuganim iuur kwisko.

**Judia** Judia yio Isrel simiir nu haimii whirkin. Mi siir yaimwoki yaimwowa hininga. Inkamın Adi Komii siya nımbingiyın idowıya napmıriiyam mi siya. Mi sima hiriinan asi dapi Jisis. Mi Adi Komii siya nımbingikin siirın mi siirın ha nikropkikin iikamım simiir dimın bibiyeyım simiirsi naowım. Mi sima siirın Kraıs asi dapkim.

**Rom** Romın yio om komii whirkin. Ti omın tiriinanın ina niki oyokiyokiyın mi ini nu komii Itali hir nwowın. Biya Rom sima kasakasa rani mi sima pi iki nu nhirim simiirar mi ami mi pi yaii simaka ninii mi simiirın pi sima niyopakaiyuwi mi simiir nuın pi sima kigriraowi. Iya Jisis siya niki owa mi Isrel simiirın Rom sima kigriraokım. Mi tariinanın sima hiriinan tir tani.

**Sam** Sama ya biyan Yokwo Komii kwira saiir yokwo kwiraka. Mi Inkam Komii nu kigriraowiyın Devid mi iikamım Isrel hiranım ninokninkinkakım sima wınka. Mi ta yokwo sama iya iikamım sima Adi Komii siir inig hainaniyım pi saiir mwai imiir kigmak waowi.

**Sadyusi** Sadyusi kamım sima Juda simiirar isid whirkin. Mi simiir kam whiekak nhirim sima omaka Adi Komii siir inig hainaniya saiirar miriigim. Mi iriipa hiriinan simiir nhirim kaunsel kamargim. Farisi mi Sadyusi simiir siyiuım iripa rani, ini yapayapa ywowım mi

simasima io asi ninwo anwowi. Mi Sadyusi sima hinina boinikim, iya iki iikamim naonamiyim sima ie hiranki bi swoki insiin idwowikim. Ningaka. Simiir kwoinbudin hindira kiguguuguskikin. Mi sima ha naingwowi Adi Komii siir om hirin iikam karamaeka mi Didu naopwai mi niksisee adi komii karamaeka. Mi dimin taeminim nimbiamiyim sima hinina naingwowi, yim inkamki diriraerari, yim Adi Komii siya nonkwokwo rani. Ningaka.

**Sisa** Sisa yio Rom simiir yaiginga. Saiir yaimwoki yaimwowa hininga. Nu kigriraowan Inkam Komiigin.

**Wain** Wainin yio hinina diriraerarikin. Inkamin pi paeyin grep nikuwiyin pi siir nid imiir whinhai. Mi ti paeyin pi siir hii imiir nonkwo nhaknaokainaowidi. Mi iki iya saeya whibaomaigiyim mi sima saiirin pi haningi kwiyaei. Mi Juda sima kwiyae op miyik karamaeka. Mi iya sima nae naeyim pi ta op wain anaka naekwiyaei. Mi iikamim ta wain op aiirin homgak kwiyaenanaeyim mi sima pa kwiyae whaowaenami.

**Baptais** Baptaisa ya Yokwo Komii saiirin hinina winboinka, Jon siya iikam kasakasa bi baptais haiginiugin ie Jodan hirin. Mi Jon siya simiirin hinina boinkin, kima kimiir dimin biyeyim simiirin digumii haimriyugik mi iikamim irira nwonwira wa nwoki ninokninkinim sima digumii bidi haimriyugikim simiir dimin biye imiirin. Mi iikam nhirim yipiki Jisis Kraiss siirim naingwo

tibmiiyim mi baptaisaisa ya min nnsiimauwi sima naingwo tibmiiyan iikam bidi ywowim. Mi baptais sair yaimwoki yaimwowa hiniinga. Ti inkamin op baptaisiyin yio hiniina nnsiimauwi, siir kwoinin bidi kisina haigiyin mi dimin biyeyim siya tirim digumii bidi haimriyugikin.

**Hosana** Hosana inigin yi min boinkin inkamin inigakin siir nokboinmamairikin. Yi hiniingin siir inig mwokimwoin Adi Komii siya wi siir nwoki hainan prapraskiyim.

**Pailat** Pailat siya Rom simiir nu kigriraowan inkam komii nwokin, yipiki biya omwai niki waiyan. Iya Jisis siya nwowa Pailat siya Isrel simiir iikam imiir kigriraokin.

**Pasova** Pasova ya Judain iikamim simiir ii komii kwir aeya. Mi ta iya iikam whiekakim mii bi miriigim. Mi sima Jerusalem hiriir yam mi iiyim iriyarkwisa ywo. Mi Adi Komii siir inig iir hainan mi nae komiia ina yaeya. Iya biya simiir yidiwi wanwiyaeyim nu Isib hir haiyim hik mi Adi Komii siya simiir whindiriraerarkikin mi sima nu Isib siir haiburgikin mi ina yamim. Mi ta hiriinan sairsika biewi biewiyim sima ta pasova iya sairimar naingwowikim mi pi Adi Komii siir inig iirar hainani.

**Pentikos** Pentikosa ya ii komii kwir aeya piu siisiya. Isrel hiran iikamim sima nonkwowiya biewi biewiyim sim. Mi iya pasova iya dig nwokiya wik iriyarkwiso sowiir mhoyia ii Pentikosa pa nimbiam. Iya sima numiran sasaeyim sim ningugu haiyim mi bali, ta

iiya saeya pentikos iiya. Mi ta iiya iikam whiekakim sima Jerusalem hiriir namikin mi pi omaka Adi Komii siir inig hainaniya saiir napnainopkainamiyin mi naeyim pi Adi Komii siir hauwi. Pris inkamim sima wraisu pa nisom haii pa nanagi mi pa ninkin imiiaeki Adi Komii siir iikamim simiir dimin biyeyim simiir haiyopriimdiyumigiyim. Taka iiya ya iikamim naingwo tibmiiyim simiir ii komii wararga. Siyiu haingingin sima tiriiyin. Iiya Jisis siya naowa mi siya ina swoki insiin idwowin mi ini ninomor kouwa hiriir yamin. Mi mhoiia kamim siir kigna miriiyim sima omaka iruwar nidwokai omimirkim Adi Komii siir naeyiu iirim. Adi Komii siir naeyiun ha nitin mi kirie simiir yauni hauuni. Mi sima ini yaiginpai yaiginpaiyim simiirar boinamim. Iiya sima hiriinan boinim iikam whiekakim sima Kraiis siir yaiya ini simiir yaigin aiirar wakaekiyim. Mi ta ii aiirin iikamim naingwo tibmiiyim simiir siyiun ini komiia ywokiyin mi ta iiya ya iikamim naingwo tibmiiyim simiir ii komii aeya piu siisiya. Min kig Aposel 2

**Wit** Witin yio naekin. Mi witnidim numir komii aiir ninkiniyim sima raisnan whaknainikim. Mi iiya witnidim wai nwowiyim sima pa ninguguhaii mi sima simiirin pi siiyaka nobrombropi mi sima nanagiyim mipi bret nimbiyami mi sima pa naei.

**Yis** Yisin yio iikamim sima ninkin pridaiiya iiya sima bret nonkwokwowiyim. Sima yisin yipa haii mi yipa pridgi witplaua aka. Iiya

sima hiriinan tiriyyim, bretin yipa niyopinaini mapi komiyya nwoki. Iya Jisis siya iikamim simiir nowomwarkaiyuwiyim siya ii nhirim boiniyo yai nhirim yipi yis siirar boini. Ta yaiya saiir yaimwoki yaimwowin hiniinga. Yisin yio miyyik rani.

**Amen** Amena ya hiniinga. Min kig Rom 1:25,9:5, 1Korin 14:16 2Korin 1:20. Juda simiir yaigina ya hiniina boini, “Ti diminin siya dimbiyam saeya kaimwoarga” Mi iya inkam nwirki sriiyim Adi Komii siirim mi iki iikam nhirim sima pi iripa kwoinar nwoki mipa boinki, Amen.

**Yaowae Adin ninomor kouwanki nitkin** Bidi bidiniyarin Profet inkam nwirin siir inigin Danielkin siya inigin min daphaiginugin inkamin yipiki Adi Komii siya nikropkiyin siir iikamim simiir nanmaiwarkainam mi simiir dimin biye imiir haiyopriimdiyumuigiyim. Siir dimin mwoki mwowin yio ini Kraiis siir hiriinan ywowin. Jisis siya ti inigin siya siyar swoki kwaboinakin. Mi iya Jisis siya, siya siyar swoki dapnain Yaowae Adin ninomor kouwanki nitkin, siya boin siyairgin inkam Adi Komii siya nikropkiyin mi yipikin Adi Komii siir kiriekakin. Siya inkamargin mi iriipa Adi Komiiagin.

**Yai Win Kibiya**  
**The New Testament in the Sepik Iwam Language of**  
**Papua New Guinea**  
**Nupela Testamen long tokples Sepik Iwam long**  
**Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Mar 2025 from source files dated 31 Aug 2023

5350dc83-93b2-5000-9c98-dcdb728ba84f